

eius. Quæ autem dicta sunt primo capite, fuisse per recapitulationem, quæ Græcè dicitur anacephalæosis, figura in diuinis literis usitata. Postumus dicere hunc Nabuchodonosorem fuisse huius nominis primum, de quo Daniel 1. capite locutus est, hunc autem annum secundum numerari non à principio Regni eius in Chaldaea, sed à principio dominationis, quâ monarchiam vocant, postquam Ammonitas, Moabitas, & Aegyptios superauit, & in ditionem suam redegit, & rex maximus appellari decreuit. Hæc est diui Hieronymi sententia, in qua videtur fuisse Flauius Iosephus libro Antiquitatum Iudaicarum decimo, cuius hæc sunt verba: post annum secundum Aegyptiacæ vastitatis Rex Nabuchodonosor vidit somnium valde admirabile. Quare hæc verba intelligenda sunt de secundo anno nimirum transacto imperij primi Nabuchodonosoris, quando ipse de Aegyptiis superbe triumphauit, eorumque veteres & illibatas diuitias in profundum cupiditatum suarum gurgitem profudit.

¶ *Et conterritus est spiritus eius.* Propter insolitum visum dormienti obiectum. Spiritus corporeus vehit species, quæ aspiciuntur in somnio, si verò ille terrore confunditur, formæ illæ delentur, & euanescent.

¶ *Et somnium eius fugit ab eo.* Hoc est, & oblitus est in somnio. Reminisceretur somniasse, sed exciderat è memoria quid somniauerat. Voluit hoc Deus, vt diuina virtus ostenderetur, & Daniel, eiusque socij essent in honore constituti, nominisque amplitudinem & celebritatem consequerentur. Eodem modo in Aegypto ob interpretationem somnij Pharaonis fuit Ioseph illustrem dignitatem adeptus, & magnificis laudibus celebratus. Omnes hi in exilio detinebantur, abducti ex dulci patria, sed sapientia & honestate muniti vitæ cursum feliciter confecerunt.

Vt peritus ac prudens gubernator etiam scisso velo, & fracto malo, nauigat tamen fauente procella reliquias nauigij accommodans ad cursum: sic viri sapientes & iusti amputatis vitæ commodis, eieci in exilium in medijs calamitatibus &

procellis ita nauigium vitæ gubernant, vt ad quietis portum perueniant. Solent illi interdum in ærumnis versari, sed cum ad Deum confugiunt, admirabilem sentiunt oblectationem, quia Deus eos qui ad ipsum aspirant, in medio calamitatum consolatur. Apparuit Iacob fugienti, iram fratris sui declinanti, eique per fugium & solatium præbuit. Reliquerat Moles patriam suam propter Deum, & cum in terra Madian palceret Iones foceri sui, venit ad montem Dei Oreb, vbi ei dominus apparuit, quem singulari consolatione leniuit. Consolatus est Dauidem in spelunca, Eliam in monte, tres pueros in camino ignis ardentis, Daniele in lacu leonum, Ionam in ventre ceti, Ioannem in insula Pathmos, Petrum in carcere, Paulum in profundo mari, & alios prope infinitos, quos silentio prætereo, ne oratione mea infinita esse videatur. Ad Deum in acerbitatibus versati animi tum tollebat, eum cogitabant, in eo ipse & cogitationem locantes, & ad eius misericordiam admirabili amore inflammati confugiunt. Hoc intuens pius misericordiae pater illos ærumnis leuauit, quoniam non eos destituit, qui fauore ipsius nitantur. Non fugiebat id pius Tobiam, cum has voces emitteret: Hoc pro certo habet omnis, qui te colit, quia vita eius si in probatione fuerit, coronabitur, si uero in tribulatione, liberabitur, & si in corruptione, ad misericordiam tuam venire licebit. Non enim delectaris in perditionibus nostris: quia post tēpstatem tranquillū facis, & post lachrymas & fletū exultationē infundis. Hæc ille. Quantum eum calamitates angebant, tantum diuina solatia recreabāt. Id de se ipso testabatur Dauid dicens: Secundum multitudinē dolorū meorum in corde meo consolationes tuæ iustificauerunt animam meam. Eodem modo apostolus capite primo epistolæ posterioris ad Corinthios: Sicut abundat passionēs Christi in nobis, ita & per Christū abundat consolatio nostra. Sicut socij passionum estis, sic eritis & consolationis. Et Deus apud Esaïam capite 51. Ego, inquit, ego ipse consolabor vos. Et apud Ieremiā Iere. 32. capite

Gen. 31.

Exod. 1.

Exod. 1.

1. Reg.

22.

3 Reg.

17. & 19

Dani. 3.

Dani. 6.

Ion. 2.

Apoc. 1.

Act. 12.

2. Cori. 11.

Tob. 3.

Psal. 93.

2. Cor. 1.

Hieron. Ioseph.

Gen. 41.

Similitudo.